

三水縣志卷九

知縣朱廷模主修

陽湖孫星衍撰

節列十二

焦玉兒獨居未嫁夜有強暴入室持斧迫挾玉兒苦拒不從遂遇害事聞撫按命有司以禮殯葬建坊旌之

馬氏生員吳重賢妻夫早死氏年二十五家寒零丁孤苦守節歷三十年縣官秦渠旌表其門曰貞節

文氏少白女幼聰明喜讀書長適甘泉葛大受年二十二夫死子在襁褓守節母氏凡父所著天經等書每一稿出氏手爲編次教子以義方四十年如一日所著有幽居草

羅氏甘泉世族歸方翮鳳克勤婦道并曰澣澣必躬操之督僕耕耘課婢績紡夫病陸海攜兩子徃省躬侍湯藥不櫛沐者踰

三水縣志卷九

月及病篤縊以殉媼埋環守斃而甦者三人以撫孤責之乃鞠育諸子備極辛苦長子倬天己亥進士年八十有三

董氏適趙不三載夫死氏誓不獨生舅姑百計勸慰弗從竟投崖死邑人嘆其貞烈建坊道左

文氏景重華妻重華武弁沉疴歲餘謂氏曰卿年少當再嫁氏齒指明節夫卒遂縊死柩側

許氏李綦妻夫死年三十家貧無子苦志守節七十餘年

許氏李宗白妻夫亡年二十三撫幼叔弱子雖罹奇荒而羹楡茹苦歷三十年矢志不渝

王氏蘇思望妻夫亡年二十五誓志守節四十餘年竟如一日

李氏蘇志望妻夫亡年二十八苦節三十九年與妯娌王氏同

守苦節知縣旌之曰一門雙節

吳氏孝廉文運徵妻夫赴公車卒京邸氏年二十四子女無出  
訃聞投繯數四姑姊朝夕監侍不食者七日矢死靡他清操益  
勵孀居五十餘年八十卒

趙氏趙資女適喬二載夫卒翁姑以窮苦欲奪其志氏曰所以  
不卽死者以翁姑在况遺腹七月倘生男則喬氏之孤自我存  
也後果生男氏今年七十三

馬氏生員張鑑妻夫卒氏年甫十八無出氏恪守婦道孝事翁  
姑歷四十年其志不渝隣里高其節

任氏民王良妻生子未逾月夫卒以績紡餬口課子嚴有丈夫  
氣鄰里鄉黨莫不竒其節

王氏民朱雲標妻夫亡子生六日子立無依備嘗艱苦及子年  
十九爲之娶妻生孫數月而子又夭亡與媳王氏撫孤守節年

俱七十以壽終

三水縣志卷九

二

張氏李必遴妻年二十二夫卒家貧無依專執桑麻不勤櫛沐  
爲子成室爲女成家四十餘年備極艱難壽至九十

李氏張學孔妻夫亡年二十歲子五月翁姑俱老生養死葬皆  
氏料理爲子娶婦生孫在襁褓中氏子又夭饑寒交迫五十餘  
年至七十四壽終

王氏張遠猷妻年二十夫亡家貧矢志守節撫繼子如己出壽  
至七十九歲知縣李旌其門

郭氏許萇妻遺子六月夫亡氏年十九或勸其嫁氏詈罵涕泣  
以死自誓鬱抑成疾歷三十年而卒

苟氏許大雍妻夫亡氏年十九遺孤甚幼戚里哀其瑩獨有所  
周卹氏却不受歷三十餘年終以餓死

蘇氏民王玫妻夫亡氏年十八遺子數月立志撫孤至五十年卒年六十八

馬氏劉復元妻年二十六夫死無子撫尸一哭不復再慟惟日碎杏核取其仁及葬夫之前夕扃戶無聲迨曉柩行已整衣裙投繯矣噉餘杏仁猶在也從容就義尤所罕有

王氏何潛龍妻夫亡年二十五誓不欲生以遺孤守節撫養至於成立猶勤操作不苟言笑卒年八十知縣丁匾其門曰壽節雙輝

任氏景焯妻焯不慧氏執婦道甚謹夫亡遺孤四歲茹荼撫孤三十餘年而卒

王氏劉文寶妻夫亡氏年二十一矢志守節宗人欲奪其志則剪髮毀容晝耕夜織以撫遺孤歷五十年卒里黨難之

三水縣志卷九

三

趙氏景作梅妻年十八于歸二十而寡以從姪廷選繼夫後鞠育成立爲弟子員姑老承顏養志必得歡心嚴以律已勤以治家鄉黨奉爲母儀卒年七十知縣王旌其門曰節比松筠第五氏適喬征夫亡氏年二十七上有老姑遺子八歲家計貧窮仰事俯畜克勤克儉三十年如一日督諸孫習儒業漸升巽升並籍博士員晉升國學親族贈匾幃以榮之

蕭氏劉如金妻夫亡守節一女在襁褓嘗務農採薪以自給聞宗人謀嫁則蓬頭垢面藏小刀以備不測年逾六十痛夫無後乞繼族子卒無應者哀憤疾終

周氏武生景廷選妻選沒氏年二十九撫繼子如己出宗人迫其他適誓死靡他家計益窮而節操彌堅

樊氏劉必登妻結褵六年而夫死遺孤四歲誓無異志夫故氏

勤耕耨叔畏其嚴厲不敢少懈氏亦十指盡禿不辭勞瘁年六十三  
何氏適張志征年十九夫死遺孤一歲家甚窶鄰里勸其再醮氏痛哭曰薄田數畝僅足撫孤若失節吾何以見丈夫于地下年七十三無病而終

張氏王權妻夫死氏年二十守節三十五年撫子成人

蔣氏馬聚珠妻夫死氏年二十八撫子成人茹苦三十一年如一日

劉氏監生程瑞麟妻夫死氏年三十因翁姑老邁孤子幼穉徒死無益竭力奉事及翁卒死而復甦者數次延師課子以成功名鄉族稱其賢歷三十餘年

蘇氏程瑞璉妻夫亡氏年三十一子多病衣食不足矢節愈堅

三水縣志卷九

四

歷四十年如一日年七十

劉氏儒童程瑞璜妻夫亡氏年十七元配一子尚幼氏撫之如己出立志苦守矢志靡他家道貧苦始終不變孀居四十餘年提學嵇旌其門曰貞節不渝年六十

崔氏郭長安妻夫亡年三十苦節三十餘年年六十七歲

馬氏崔學孔妻夫亡氏年十八遺腹數月惟翁尚在氏代供子職立志守節後生一子辛苦撫孤歷五十載今年七十有三  
李氏崔宗道妻夫亡年二十九子幼立志守貞又和妯娌宜家  
人鄉黨稱其賢歷三十餘年今年六十有三

姚氏李九功妻年十九夫亡一子在抱零丁孤苦鞠育成人今年五十有二

趙氏程瑞昌妻夫亡年二十九二子俱幼氏日夜紡績辛勤鞠

育年六十九歲

馬氏王斌妻夫亡年二十守節三十餘年艱苦備嘗始終不渝年五十六歲

李氏辛天才妻夫亡年二十九子幼家貧無依矢志苦守年六十有八

秦氏王奉選妻年二十五早孀煢煢礪節事姑盡孝課子成名乾隆十一年奉

旨建坊賜匾准入節孝祠

孫氏王殿臣妻年二十四孀居遺子二齡堅心勵節王氏嗣續賴以繁衍

孫氏生員每五惟妻年二十二夫亡無出親老叔幼貧難度日矢志守節備歷寒苦本學教諭雷匾其堂曰苦節純孝

張氏第五純修妻年二十四夫亡遺孤四歲氏矢志撫育忍歷饑寒不幸夭亡孫未滿歲當此兩世嫠婦皆能苦節自守人稱其難

劉氏生員鄭綏妻年十八夫亡子週歲宗人逼嫁墮井未死氏百折不回剪髮自誓棄置田產奔至涇縣母氏撫幼子成立方歸里焉

馬氏王志達妻年二十四夫亡遺二女無子胞姪家麟襁褓繼嗣上有翁姑氏以奉親撫孤爲己任屢遭坎坷其志不渝

李氏燕執妻年二十一夫亡子甫兩歲矢志守節家貧因作女紅養親祭先敬廩課子皆其所出三十餘年內外無間

燕氏李學顏妻年二十孀居苦志奉姑躋疾數十年力事不衰訓子成名家風不墜

李氏燕三傑妻年十八夫亡姑老家貧嗣姪甫一歲耐苦七十餘載養生送死皆氏之力

馬氏劉興周妻年二十三夫亡矢志終養門衰祚薄苦持數十年家道以興

紀氏張虞鳳妻年二十三夫亡孀居遺孤兩歲紡績奉姑貞心愈勵乾隆十九年奉

旨建坊旌表

王氏李逢祥妻年二十四夫亡奉事翁姑撫育幼子歷久不衰第五氏生員張星燠妻年十九夫亡遺一女家極貧奉姑養女藉針指爲生至老無怨

張氏文子麟妻夫亡氏年二十姑老子幼備嘗艱苦守節六十年而卒孫婦仇氏生員文逢源妻夫亡氏年十九端莊貞靜

內外無間年四十五知縣文魁額其門曰兩世芳規

王氏文籍妻夫亡氏年二十二遺孤在抱矢志守節六十八年而卒知縣王瑄匾其門曰坤維正氣

趙氏文景鶴妻夫亡氏年二十二歲矢志守節紡績撫孤年六十一歲

王氏文昞妻夫亡氏年一十八歲無子父母欲奪其志誓死不從嗣子宗本奉養終身知縣董天良旌之

劉氏文希道妻夫亡氏年二十五生一子瞽矢志守節年六十二有

楊氏趙二妻夫亡氏年一十九青年守志白首完貞年七十二而卒前撫憲陳題請建坊入祠

王氏蔻和妻夫亡氏年一十九秉性艱貞矢志不二年五十有

八

馬氏生員張鑑妻夫亡氏年一十八矢志守節不苟言笑年五十五

王氏周廷蒼妻順天大興縣人夫亡氏年一十九生一子僅彌月奉姑以孝紡績自給年六十七